

Gwaith y Pwyllgor Dysgu'r Gymraeg

1. Swyddogion y pwyllgor fydd yn arwain ar y gwaith a'r trafodaethau, sef:

- **CADEIRYDD:** Dyletswydd y Cadeirydd yw arwain ac ysbrydoli'r aelodau wrth gadeirio'r pwyllgorau yn effeithlon, gan gynrychioli barn y pwyllgor yn y Pwyllgor Gwaith.
- **YSGRIFENNYDD:** Prif swyddogaeth yr Ysgrifennydd yw cofnodi yn gywir a threfnus ac mewn Cymraeg graenus, gan anfon copi o'r cofnodion at y Trefnydd drwy e-bost o fewn tri diwrnod ar ôl y cyfarfod.

Bydd y Cadeirydd yn dod yn aelod o Bwyllgor Gwaith yr Eisteddfod, a gofynnir i'r Ysgrifennydd fynychu yn ei h/absenoldeb. Yn ogystal â hyn, bydd y 2 swyddog yn dod yn aelod o'r Panel Canolog Dysgu'r Gymraeg dros gyfnod yr Eisteddfod.

2. Rheolau Sefydlog – cyn gwneud dim arall, mae angen eu darllen a'u derbyn yn swyddogol fel pwyllgor.

3. Dewis Testunau

Mae'r adran yn rhannu i ddwy brif ran, sef cystadlaethau llwyfan a chyfansoddi. Yn arferol mae rhyw 6 cystadleuaeth yn yr adran berfformio, a hyd at 8 categori yn yr adran gyfansoddi, gydag un ohonynt yn creu ddeunydd ar gyfer dysgwyr. Yn ychwanegol i hyn, mae cystadleuaeth Dysgwr y Flwyddyn yn sefyll ar ei thraed ei hun.

Canllawiau dewis testunau:

Yn y tabl sydd wedi'w greu ar gyfer dewis testunau yr adran, a gwelir fod nodiadau syml wedi'w nodi ar gyfer y cystadlaethau gwahanol, gydag esiampl o'r dewis mwyaf diweddaraf mewn rhai achosion. Gweler isod nodiadau pellach ar gyfer rhai o'r testunau:

4 cystadleuaeth llwyfan ychwanegol - o ddewis y pwyllgor - rhai ar gyfer unigolion ac eraill ar gyfer mwy nag un neu grŵp. Yn y gorffennol mae'r rhain wedi cynnwys canu, llefaru, sgets neu gyflwyniad, darllen, dweud eich barn i enwi rhai.

Darn o ryddiaith – nodi testun neu thema a nodi lefel.

Darn ychwanegol o ryddiaith – nodi testun neu thema a lefel gwahanol.

Deunydd ar gyfer Dysgwyr – testun neu thema a nodi lefel.

3 cystadleuaeth cyfansoddi ychwanegol - amrywiol o ddewis y pwyllgor. Gweler testunau'r gorffennol am enghreifftiau o'r cystadlaethau posib.

4. Dewis Beirniaid

Angen meddwl am restr ddigon hir er mwyn cael digon o enwau wrth gefn. Gwahoddir panel o 2 feirniaid ar gyfer y cystadlaethau llwyfan, yn ogystal ag un enw ar gyfer pob cystadleuaeth cyfansoddi.

Cystadleuaeth Dysgwr y Flwyddyn - Mae angen dewis tri beirniad ar gyfer y gystadleuaeth: 1 tiwtor, 1 dysgwr ac un enw adnabyddus.

Wrth gynnig beirniaid a wnewch chi plis sicrhau eich bod yn manylu ar bwy y union yw'r personau (i osgoi unrhyw gamddealltwriaeth).

Mae angen cofio bod hi'n ofynnol i'r beirniaid draddodi mewn rhai achosion, ac felly rhaid cael digon o rai â medr wneud hynny yn y Gymraeg heb dynnu sylw atynt eu hunain. Eto peidio bod yn rhy lleol neu'n fympwyol a chadw oddi wrth rhai sydd wedi gwneud yn ddiweddar e.e. yn y ddwy flynedd cyn yr Eisteddfod, ac efallai y dylid cael cydbwysedd rhwng y de a'r gogledd ac os yn bosib rhwng merched a dynion. Ar ddiwedd y dydd yr hyn sydd ei angen arnom yw'r beirniaid gorau. (Gweler y ddogfen 'Beirniaid Diweddar')

Rhaid peidio bod yn rhy leol neu blwyfol wrth ddewis testunau, beirniaid a telynorion - mae angen digon o amrywiaeth. Mae'n bosib rhoi rhai testunau sydd gyda blas lleol neu gysylltiadau lleol o ran beirdd, gosodwyr, enwogion neu leoedd, ond mae angen cadw mewn cof mai Eisteddfod Genedlaethol yw hon sy'n ymweld â'r ardal leol. Mae angen darnau sy'n apelio at gystadleuwyr, hyfforddwyr a hefyd cynulleidfa eang. Mae'r dewis o ddarnau yn hollbwysig er mwyn sicrhau denu'r cystadleuwyr pybyr yn ogystal â rhai newydd – cofiwch ei bod hi'n haws annog rhai i gystadlu gyda darnau apelgar da.

Bydd angen gofalu nad yw barn unigolyn/ion yn llywio barn y pwyllgor - mae wedi digwydd sawl tro yn y gorffennol! Mae angen meddwl am yr hen a'r newydd o ran y geiriau yn ogystal â'r ceinciau. Hefyd dylid meddwl a chadw mewn cof hyd pob darn prawf, gan y bydd rhain angen cael eu hamseru cyn creu amserlen rhagbrofion a chystadlaethau'r Pafiliwn.

COFIWCH NA FYDDWN YN CYSYLLTU Â'R BEIRNIAID HYD NES Y BYDD Y PWYLLGOR DIWYLLIANNOL WEDI DERBYN Y TESTUNAU – YN AMLWG FELLY MAE POB ELFEN O'R GWAITH TESTUNAU YN GWBL GYFRINACHOL.

Y gwaith uchod i'w wneud yn ystod y cyfarfod cyntaf fel bo'r testunau yn cael eu paratoi i'w cyflwyno i'r Panel Canolog mewn cyfarfod ar y cyd **Sad 25 o Ionawr 2020**. Rhaid gwneud unrhyw newidiadau ar y diwrnod hwnnw fel bod modd eu cyflwyno yn derfynol i Bwyllgor Diwylliannol yr Eisteddfod ym Mis Mawrth 2020. Bydd gan y swyddfa lawer o waith wedyn i gael popeth yn barod ar gyfer eu hargraffu erbyn diwrnod Cyhoeddi'r Eisteddfod.

5. Gwobrau

Bydd angen i'r pwyllgor annog pobl i roi gwobrau. Rhaid cyfeirio pob cais am wobwr i'r Pennaeth Gweithredu Cymunedol, Alwyn Roberts (Gweler y gwybodaeth cyswllt isod) â maint y wobwr a gynhigir. Bydd Swyddfa'r Eisteddfod wedyn yn cysylltu â'r person dan sylw i drafod y mater. Cofiwch fod pob gwerth ariannol unrhyw wobwr yn gallu cael ei glustnodi yn erbyn targed ardal arbennig os yw'r rhoddwr yn dymuno.

6. Amseru darnau prawf

Fel y cyfeiriwyd ato, bydd angen **amseru pob darn prawf** er mwyn cael y wybodaeth angenrheidiol i gynhyrchu'r rhaglen llwyfan - fel rheol gofynnir yn garedig i Gadeirydd (gyda help y swyddogion/pwyllgor) wneud hyn erbyn **diwedd Ebrill** cyn yr Eisteddfod ei hun.

7. Swyddogaethau adeg yr ŵyl

Un o'r prif ofynion yn ystod yr wythnos fydd gwirfoddoli i redeg y rhagbrofion / a stiwardio'r Ganolfan Dysgu Cymraeg. Byddwn yn gofyn i **un swyddog o'ch pwyllgor** i ymuno â'r is-bwyllgor Gwirfoddoli a fydd yn cyfarfod yn y misoedd yn arwain at yr Eisteddfod. Bydd y cynrychiolydd yn dod nôl at y pwyllgor i helpu ar y gwaith o ganfod pŵl o wirfoddolwyr ar gyfer eu hamserlennu (Ysgrifennydd Rhagbrawf, Arweinydd Llwyfan y Rhagbrofion a Stiwardiaid – bydd dogfennau yn nodi rôl pob un ar gael yn y man).

8. Swyddogaethau eraill

Unwaith i'r testunau gael eu derbyn yn swyddogol, bydd y pwyllgor yn parhau i gyfarfod gydag arweiniad gan swyddogion yr Eisteddfod, a hynny er mwyn meddwl am syniadau ar gyfer hyrwyddo cystadlaethau yn lleol, codi ymwybyddiaeth o'r Gymraeg a'r gweithgareddau yn y gymuned leol yn arwain at yr Eisteddfod, a'r Ŵyl yn gyffredinol.

Bydd angen i chi hefyd gynorthwyo wrth feddwl am gynlluniau ar gyfer y Ganolfan Dysgu'r Gymraeg ar y Maes, gan hel syniadau o ran gweithgareddau/sesiynau ar gyfer y rhaglen wythnos yr Eisteddfod. Yn ddelfrydol mae angen i raglen yr wythnos fod yn ei lle erbyn diwedd Mawrth 2021, gyda'r cyfan wedi ei gadarnhau o ran perfformwyr / artistiaid.

Y Swyddog Dysgu'r Gymraeg fydd yn arwain ar drefniadau rhaglen y Ganolfan a threfniadau cystadleuaeth Dysgwr y Flwyddyn gyda chymorth y Pwyllgor Lleol a'r Panel Canolog.

Gall y pwyllgor hefyd drafod ffyrdd o waddol – o ran y rhwydweithiau a digwyddiadau cymunedol posib mwyn parhau i ymgysylltu i'r dyfodol.

Elen Elis - Trefnydd a Phennaeth Artistig: elen@eisteddfod.org.uk (cystadlu ac arlwy ar y Maes)

Alwyn Roberts - Pennaeth Gweithredu Cymunedol: alwyn@eisteddfod.org.uk (gwobrau a gwirfoddoli)

Lois Jones - Swyddog Cystadlaethau: lois@eisteddfod.org.uk (cystadlaethau)

Swyddfa'r Eisteddfod, Uned 15 Parc Busnes yr Wyddgrug, Ffordd Wrecsam, Yr Wyddgrug, CH7 1XP / 08454 090 400

Sioned Edwards – Dirprwy Bennaeth Artistig: sioned@eisteddfod.org.uk (arlwy ar y Maes)

Swyddfa'r Eisteddfod, 40 Parc Ty Glas, Llanisien, Caerdydd, CF14 5DU / 0845 409 0300